

**MIŠLJENJE**

**po Zahtjevu Općine Zavidovići, Ul. Safvet bega Bašagića bb, 72220, Zavidovići, Bosna i Hercegovina, o postojanju zabranjenih konkurencijskih djelovanja**

**Sarajevo  
listopad, 2019. godine**

Broj: 01-26-7-014-2/19  
Sarajevo, 10.10.2019. godine

Na temelju članka 25. stavak (1) točka f) Zakona o konkurenciji ("Službeni glasnik BiH", br. 48/05, 76/07 i 80/09), a po podnesenom Zahtjevu za davanje mišljenja Općine Zavidovići, Ul. Safvet bega Bašagića bb, 72220, Zavidovići, Bosna i Hercegovina, zaprimljenog 08. kolovoza 2019. godine pod brojem: 01-26-7-014-1/19, Konkurencijsko vijeće Bosne i Hercegovine, na 60. (šezdesetoj) sjednici održanoj dana 10. oktobra 2019. godine, je donijelo

### **MIŠLJENJE**

Općina Zavidovići, ul. Safvet bega Bašagića bb, 72220, Zavidovići, Bosna i Hercegovina (u daljnjem tekstu: Podnositelj zahtjeva ili Općina Zavidovići), podnijela je Konkurencijskom vijeću Bosne i Hercegovine (u daljnjem tekstu: Konkurencijsko vijeće) dana 08. kolovoza 2019. godine, pod brojem: 01-26-7-014-1/19, Zahtjev za izdavanje mišljenja (u daljnjem tekstu: Zahtjev), sukladno sa Zakonom o konkurenciji ("Službeni glasnik BiH", br. 48/05, 76/07 i 80/09 – u daljnjem tekstu: Zakon o konkurenciji), kojim traži mišljenje Konkurencijskog vijeća o postojanju zabranjenih konkurencijskih djelovanja.

Podnositelj zahtjeva u zaprimljenom podnesku navodi:

- Služba za upravu ekonomskih poslova i poduzetništva Općine Zavidovići je, na temelju članka 24. Zakona o cestovnom prijevozu Federacije Bosne i Hercegovine („Službene novine Federacije BiH“, br. 28/06 i 2/10) i članka 5. Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra („Službene novine Federacije BiH“, br. 79/13 i 91/14) (u daljnjem tekstu: Pravilnik), raspisala Javni oglas o pokretanju postupka usklađivanja ili odobravanja registracije redova vožnje za linijski prijevoz putnika na općinskim autobusnim linijama;
- Na naprijed navedeni Javni oglas pristigla je jedna prijava prijevoznika, i to gospodarskog subjekta „Prevoz putnika“ d.o.o. Zavidovići, Omladinsko Naselje bb, 72220 Zavidovići (u daljnjem tekstu: „Prevoz putnika“ d.o.o. Zavidovići), te je postupak usklađivanja ili odobravanja i registracije redova vožnje za linijski prijevoz putnika na području Općine Zavidovići, za razdoblje od 2018. do 2023. godine, izvršen shodno odredbama članka 15. Pravilnika;
- U postupku usklađivanja prijavljenih redova vožnje, Komisija za usklađivanje redova vožnje je izvršila prvo čitanje prijedloga redova vožnje, koje je završeno bez prigovora, prilikom čega su svi prijavljeni redovi vožnje usklađeni po prijedlogu gospodarskog subjekta „Prevoz putnika“ d.o.o. Zavidovići, za razdoblje od 2018. do 2023. godine;

- Kompletan linijski prijevoz putnika na području Općine Zavidovići, za razdoblje od 2018. do 2023. godine, je dodijeljen gospodarskom subjektu „Prevoz putnika“ d.o.o. Zavidovići, te isti ima vladajući položaj na tržištu usluga, sa udjelom većim od 40%;
- Gospodarski subjekt „Prevoz putnika“ d.o.o. Zavidovići se, dana 26.07.2019. godine pod brojem: 637/19, obratio Općini Zavidovići sa Zahtjevom za subvencioniranje neprofitabilnih autobusnih linija, u mjesečnom iznosu od cca. 20.000,00 KM, navodeći da će zbog poslovnih gubitaka morati obustaviti prigradsku liniju polazaka od 23:15h iz Zavidovića, a što će u velikoj mjeri utjecati na gospodarski imidž Općine Zavidovići i svakodnevni život mještana;
- Gospodarski subjekt „Prevoz putnika“ d.o.o. Zavidovići je od svog osnivanja 1978. godine, jedini linijski prijevoznik putnika na području Općine Zavidovići, te je kao takav upoznat sa trendovima na tržištu usluga prijevoza i u momentu prijave na Javni oglas o pokretanju postupka usklađivanja ili odobravanja i registracije redova vožnje za linijski prijevoz putnika na općinskim autobusnim linijama.

U svezi sa naprijed navedenim, Općina Zavidovići je uputila Konkurencijskom vijeću slijedeći Zahtjev za mišljenjem:

- Da li je, sukladno članku 4. stavak (1) točka e) Zakona, zabranjen sporazum/ugovor o subvencioniranju, odnosno da li bi isti imao za cilj i posljedicu sprječavanje, ograničavanje ili narušavanje tržišne konkurencije na mjerodavnom tržištu, te da li se isti odnosi na zaključivanje sporazuma/ugovora kojima se druga strana uvjetuje da prihvati dodatne obveze koje po svojoj prirodi ili običajima u trgovini nisu u svezi sa predmetom sporazuma;
- Da li postoji zlouporaba vladajućeg položaja gospodarskog subjekta „Prevoz putnika“ d.o.o. Zavidovići.

Člankom 4. st. (1) i (2) Zakona propisano je šta predstavlja zabranjene sporazume, na šta se isti odnose, odnosno koji zabranjeni sporazumi su kao takvi ništavni u smislu Zakona, dok je člankom 4. stavak (3) Zakona propisano kada i pod kojim uvjetima sporazumi iz članka 4. stavak (1) nisu zabranjeni.

Člankom 10. st. (1) i (2) Zakona propisano je šta predstavlja zlouporabu vladajućeg položaja jednog ili više gospodarskih subjekata na mjerodavnom tržištu, te na šta se ista odnosi.

Imajući u vidu Zahtjev Općine Zavidovići za davanjem mišljenja o postojanju zabranjenih konkurencijskih djelovanja, naglašavamo da se eventualna postojanja istih utvrđuju u postupcima koji se vode pred Konkurencijskim vijećem, na način na koji je jedino i moguće utvrditi povredu Zakona o konkurenciji, te se mišljenjem ne može dati ocjena o postojanju zabranjenih konkurencijskih djelovanja.

Ovo mišljenje se temelji na podacima iz Zahtjeva, te ukoliko isti odstupaju od stvarnog činjeničnog stanja, ne može se primijeniti.

**Predsjednica**

**mr. Arijana Regoda - Dražić**